



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ
ՀՐԴԵՀԱՅԻՆ ԱՆՎՏԱՆԳՈՒԹՅԱՆ ՏԵՍՉԱԿԱՆ
ՄԱՐՄՆԻ ՂԵԿԱՎԱՐ**

№ ՔՊՄԻ/ՍԵ. 1. 1/6491-20

21 » 07 2020թ.

ՈՐՈՇՈՒՄ S20-4/06/2

Վարչական տույժ նշանակելու մասին

ք. Երևան

10.06.2020թ.

Ես՝ Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի ղեկավար Գեղամ Շախբազյանս, ուսումնասիրելով «ԼԷՀ» ՍՊ ընկերության (հասցե՝ ՀՀ, Կոտայքի մարզ, գ. Արզնի, Երևան – Սևան մայրուղի, թիվ 10/1) վերաբերյալ Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի Կոտայքի տարածքային բաժնի կողմից 04.12.2019թ. կազմված N 20-0018 արձանագրությունը և վարչական վարույթի նյութերը՝

ՊԱՐԶԵՑԻ

ՀՀ քաղաքաշինության, տեխնիկական և հրդեհային անվտանգության տեսչական մարմնի (այսուհետ՝ Տեսչական մարմին) Կոտայքի տարածքային բաժնի կողմից ՀՀ, Կոտայքի մարզ, գ. Արզնի, Երևան – Սևան մայրուղի, թիվ 10/1 հասցեում՝ համաձայն 03.12.2019թ. թիվ 190-Ա հանձնարարագրի, իրականացվել են տեխնիկական անվտանգության բնագավառում ՀՀ օրենսդրության պահանջների պահպանման նկատմամբ դիտարկումներ և հետազոտություններ: Իրականացված դիտարկումների և հետազոտությունների արդյունքում պարզվել է, որ նշված հասցեում՝ «ԼԷՀ» ՍՊ ընկերության (այսուհետ՝ Ընկերություն) կողմից շահագործվող հեղուկ գազալցակայանը չի անցել ամենամյա տեխնիկական անվտանգության փորձաքննություն՝ խախտելով «Տեխնիկական անվտանգության ապահովման պետական կարգավորման մասին» ՀՀ օրենքի 19 հոդվածի ժբ) կետը:

2019թ. դեկտեմբերի 26-ին Տեսչական մարմնում նշանակվել է վարչական իրավախախտման վերաբերյալ գործի քննություն, որին Ընկերության կողմից ներկայացուցիչ չի ներկայացել և/կամ գրավոր դիրքորոշում չի ներկայացվել:

2020թ. հունվարի 30-ին Տեսչական մարմնում նշանակվել է վարչական իրավախախտման վերաբերյալ գործի ևս մեկ քննություն, որին Ընկերության կողմից կրկին ներկայացուցիչ չի ներկայացել և/կամ գրավոր դիրքորոշում չի ներկայացվել:

Վարչական վարույթի նյութերի հետազոտումից պարզվել է, որ վարչական գործի քննության վերաբերյալ ծանուցագրերը Ընկերության կողմից չեն ստացվել, ինչի հիման վրա Ընկերության պատշաճ ծանուցումը ապահովելու նպատակով 04.02.2020թ. թիվ S20-4/06 որոշմամբ վարչական գործի վարույթը կասեցվել է:

Հիմք ընդունելով ՀՀ կառավարության 16.03.2020թ. «Հայաստանի Հանրապետությունում արտակարգ դրություն հայտարարելու մասին» թիվ 298-Ն որոշումը՝ Տեսչական մարմնի ղեկավարի 17.03.2020թ. թիվ 1/06 որոշմամբ Տեսչական մարմնի կողմից իրականացվող վարչական վարույթները կասեցվել են: Տեսչական մարմնի ղեկավարի 15.05.2020թ. թիվ 2/06 որոշմամբ վարույթները վերսկսվել են:

Տեսչական մարմնի ղեկավարի 01.06.2020թ. թիվ S20-4/06/1 որոշմամբ 04.02.2020թ. թիվ S20/4/06 որոշմամբ կասեցված վարչական գործի վարույթը վերսկսվել է:

Վերոնշյալ իրավախախտման վերաբերյալ գործի քննությանը «ԼԷՀ» ՍՊ ընկերության տնօրեն Փառանձեմ Գրիգորյանի պատշաճ ծանուցումը ապահովելու նպատակով Տեսչական մարմնում 2020թ. հունիսի 8-ին նշանակվել է ևս մեկ վարչական գործի քննություն, որի մասին վերջինիս ծանուցվել է «Ինտերնետով հրապարակային և անհատական ծանուցման մասին» ՀՀ օրենքով սահմանված կարգով (02.06.2020թ-ին ինտերնետային azdarar.am կայքում տեղադրվել է հայտարարություն, նույնականացման համար՝ 686399), սակայն Փառանձեմ Գրիգորյանը, պատշաճ ծանուցված լինելով վարչական գործի քննության տեղի և ժամանակի մասին, չի ներկայացել վարչական իրավախախտման վերաբերյալ գործի քննությանը, չի ներկայացրել գրավոր միջնորդություն գործի քննությունը հետաձգելու վերաբերյալ, ինչպես նաև չի ներկայացրել գրավոր առարկություն:

«Տեխնիկական անվտանգության ապահովման պետական կարգավորման մասին» ՀՀ օրենքի 11-րդ հոդվածի 6-րդ մասի համաձայն՝ շահագործվող արտադրական վտանգավոր օբյեկտը ենթակա է տեխնիկական անվտանգության փորձաքննության տարեկան առնվազն մեկ անգամ: **Նույն օրենքի 19-րդ հոդվածի 1-ին մասի «ժբ» կետի համաձայն՝** արտադրական վտանգավոր օբյեկտ շահագործող անձը պարտավոր է ապահովել տեխնիկական անվտանգության փորձաքննության իրականացումը:

Հիմք ընդունելով վերոգրյալը, սույն վարչական գործում եղած ապացույցները, հաստատված են համարում այն փաստը, որ Տեսչական մարմնի Կոտայքի տարածքային բաժնի կողմից 04.12.2019թ. կազմված N 20-0018 արձանագրության կազմման պահին ՀՀ, Կոտայքի մարզ, գ. Արզնի, Երևան-Սևան մայրուղի 10/1 հասցեում «ԼԷՀ» ՍՊ ընկերության կողմից շահագործվող հեղուկ գազի լցակայանը որպես արտադրական վտանգավոր օբյեկտ չի ունեցել ամենամյա տեխնիկական անվտանգության փորձաքննության եզրակացություն, ուստի՝ նրա նկատմամբ կիրառելի է «Տեխնիկական անվտանգության ապահովման պետական կարգավորման մասին» ՀՀ օրենքի 19-րդ հոդվածի 1-ին մասի «Ժբ» կետը, այն է՝ արտադրական վտանգավոր օբյեկտ շահագործող անձը պարտավոր է ապահովել տեխնիկական անվտանգության փորձաքննության իրականացումը:

Ղեկավարվելով Վարչական իրավախախտումների վերաբերյալ ՀՀ օրենսգրքի 279-րդ և 281-րդ հոդվածներով, 282-րդ հոդվածի 1-ին կետով, «Տեխնիկական անվտանգության ապահովման պետական կարգավորման մասին» ՀՀ օրենքի 21-րդ հոդվածի 5-րդ մասով՝

ՈՐՈՇԵՑԻ

«ԼԷՀ» ՍՊ ընկերության տնօրեն Փառանձեմ Գրիգորյանին «Տեխնիկական անվտանգության ապահովման պետական կարգավորման մասին» ՀՀ օրենքի 21-րդ հոդվածի 5-րդ մասի հատկանիշներով ենթարկել վարչական պատասխանատվության՝ նրա նկատմամբ կիրառելով վարչական տույժ՝ տուգանք՝ 1.000.000 (մեկ միլիոն) ՀՀ դրամ գումարի չափով:

Ծանոթություն.

Սույն որոշումը կարող է բողոքարկվել այն սահմանված կարգով հանձնելու (հանձնված համարվելու) օրվանից հետո՝ երեսուն օրվա ընթացքում Տեսչական մարմին կամ ՀՀ վարչական դատարան՝ օրենքով սահմանված կարգով և ժամկետներում:

Տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի՝ 900005001517 հաշվեհամարին:

Տուգանքի գումարը վճարելիս անհրաժեշտ է «նպատակը» դաշտում նշել որոշման համարը:

Հարգանքով՝

 Recoverable Signature

X 

ԳԵՂԱՄ ՇԱԽԲԱԶՅԱՆ

Signed by: SHAKHBAZYAN GEGAM 2903870918

